HISTOIRE

TRES-VERITABLE

en ceste ville de Paris, depuis le septiesme de May 1588. iusques au dernier iour de Iuin ensuy uant audit an.



A PARIS,

Pour Michel Ioüin, ruë sainst Iacques.

A VEC PERMISSION.

M. D. LXXXVIII.

Digitized by the Internet Archive in 2010 with funding from University of Toronto

HISTOIRE

TRES-VERITABLE

en ceste ville de Paris, depuis le septiesme de May 1588. iusques au dernier iour de Iuin ensuy uant audit an.



A PARIS,

Pour Michel Ioüin, ruë sainst Iacques.

AVEC PERMISSION.

M. D. LXXXVIII.

Ace 83-101 (27)



HISTOIRE TRES-VERItable de ce qui est aduenu en ceste ville de Paris, depuis le VII. May 1588. iusques au dernier iour de Iuin en suyuant audit an.

I

2

'Autant que plusieurs ignoras ce qui s'est passé à Paris ces iours derniers, pourroient tomber en quelque mauuais soupçon, i'ay voulu mettre au vray par escrit

ce que l'ay veu & entenda de gens de bien, lesquels ont assisté à tout ce qui s'y est fait.

Le Samedy septiesme iour de May apres disner, sur fait assemblee de ville, en laquelle tous les Capitaines & Lieutenans commandans à Paris, surent mandez. Là le Preuost des Marchas proposa que chacun eust à dire son aduis quelle estoit la cause qui troubloit nostre ville, & quels pourroient estre les moyens pour y remedier.

Plusieurs aduis sur ce surent alleguez, mais les principaux surent par vn des Presidens du Parlemet, & d'vn Capitaine de l'Université, lesquels surent d'opinion qu'on devoit exterminer les heretiques & qu'on purgeast la ville de ceux, lesquels la pouvoient troubler. Supplians le Roy de vouloir declairer son soupçon, afin d'y pouvoir appliquer le remede convenable: adioustant ledit Capitaine de l'université, que tous les troubles, tant presens que passez, procedoiet des heretiques & fauteurs d'iceux, & failloit les rechercher & non autres.

Cestaduis ne fut pas mis en oubly par ledit Preuost & les meschans de sa faction là assemblez, lesquelz en seirent tost leur rapport, disans que les dits President & Capitaine s'estoient lors declatez, ayans conclud à la recerche & extermi nation des heretiques, & des sauteurs d'iceux.

De sorte que sur les dix heures du soit dudit iour, surent enuoyez les Escheuins & plusieurs capitaines, lesquelz ilspésoiét estre de leur factio asin de faire garde toute la nuict, faisant courir vn bruit que le Duc de Guise estoit au Bourget, distant de deux petites lieux de Paris, accopagné de trente mil hommes. Neantmoins les autres capitaines aduertis par leurs compagnós de ce mandement, seirent pareillement garde, ce qui troubla merueilleusement le conseil de leur resolution.

Sur la minuict furent depeschez deux couriers l'vn apres l'autre audit Bourget, pour recognoistre si ledit Duc de Guise y estoit, ou autres trouppes, ce qui ne se trouva estre vray: d'autant

7

Ne laissoit pourtant de courir par la ville vn bruit couuert que l'on deuoit en peu de iours pendre les principaux bourgeois Catholiques de Paris en la place de Greue, suyuat l'aduis d'Espernon & autres conseilliers, lesquelz se sont ser uilement assubiectis audit d'Espernon.

8

Le dimanche ensuyuant de Perruze Preuost des marchans, & le Comte escheuin, menerét les archers de la ville au temple où sont les poudres d'icelle, pour y faire garde, vsas de ces mots qu'il failloit chasser tous les ligueurs. Dont s'esmeurét tellemét les dits archers, que la plus grade part voulurent quiter leurs hoquetos, disans qu'ils estoiét Catholiques, & peu s'en falut qu'ils ne mirent à mort les dits de Perruze & le Côte,

9

La nuict suivante ledit iour sut fait bone garde par tous, chacun ayant crainte d'estre du nobre de ceux qu'ilz vouloient faire pendre, encore que les dits Prenost & Eschevins eussent madé seulement à aucuns Capitaines de la faire, & degarder les quartiers des autres capitaines leurs voisins, qu'ilz pensoient n'estre de leur party.

10

Ce qui empescha de rechef leur deliberation, mesmes que les archers de ladite ville ne les vou lurent assister.

II

Le Lundi neuficsme dudit mois, le bruit cou-

rut encores plus fort de ladite mal'heureuse deliberation, l'on entédit à vne heure apres midi, que le Duc de Guise estoit arrivé de Soissons au logis de la Royne, accopagné de huict cheuaux.

12

Laquelle arrivee si subite troubla le conseil desdits cojurez, attédu que le matin dudit iour suit fait commademet par le sieur Do, & Escheuins, à aucuns Capitaines de Paris, de se tenir prests & leurs compagnies en armes, pour marcher la part qu'il leur seroit commandé: Aussi que le sieur de Bellieure deuoit partir, ledit iour, pour aller à Soissons trouver ledit Duc de Guise.

13

Le Roy aussi tost sut aduerty de l'arriuee dudit Duc, lequel luy sut faire à l'instant la reueréce au Louure, où se trasporra la Royne mere de sa Majesté, auquel lieu il sut troisheures, depuis deux iusques à cinq.

14

La presence dudit Duc occasionna les meschants de persuader au Roy tresbó de sa nature qu'il estoit accópagné de grande suitte d'estrangers, de façó que sur les six heures du soir dudit Lundy entrerent en garde deuant le Louure deux enseignes de Suisses & vne Fráçoise, outre les deux les quelles ja y estoient: furent aussi mádez tous les archers de la garde qui se pouuoiét trouuer dans Paris.

Iς

.7

Preuost, que tous vagabons eussent à vuider auant la nuict, & que personne n'eustà sortir de sa maison neuf heures passees, ce qui est contre les formes accoustumees de ladite ville.

16

Ceste façon de faire fit, que chacun print garde à soy.

17

Le Mardy il sembloit que tout alloit assezbien: mesme le Mercredy suyuant le Roy sut du Louure au logis de la Royne Mere, auquel se trouua ledit Duc de Guyse.

18

Ce qui troubla les conjurez estoit, que lors que ledit Duc s'en retournoit en son logis, il se trouuoit suyuy d'un nombre insiny de peuple, donuant signe de ressouyssance.

19

Sur les cinq heures du soir dudit Mercredy ou tre les deux compagnies de Suisses, & les trois Françoises, entra encor en garde vn autre compagnie de Suisses.

20

Bref, Dieu (lequel ne nous vouloit abandonner) donna vn conseil aux malheureux, qui les perdit du tout.

2 I

A cinq heures du soir fut faite assemblee de ville, où se trouuerent seulement lesdits Sieurs Do, Preuost, Eschenins & aueus Colonels, où sur arresté qu'on feroit la nuit suyuate bonne garde par quelques places, & ce seulemet par lesdits Co lonels, & quelques Capitaines de leurs quartiers s'asseurans que les régeans dans les dites places, selon leur appetit, ils paruiendroient plus aysément à la fin de leur conseil. Auquel aduis sut cotredict par de Sainctyon l'vn des Escheuins, qui remonstra audit sieur Do, que c'estoit chose non accoustumee de messer ainsi les gardes, & que ce changement causeroit vne division entre les Bourgeois, & en danger d'vne revolte. Lesquelles remonstrances surent secondees par vn President de la Court de Parlement. Auquels sur fait response par ledit sieur Do, en ces termes, Par la mort dieu messieurs ie n'ay que saire de vostre conseil en cest endroit. I'ay la volonté du Roy, il veut estre maintenant obey.

22

De façon, qu'à neuf heures du soir, se trouuerent dans le Cymetiere des saincts Innocens plusieurs Colonels & Capitaines de divers quartiers, au nombre d'onze compagnies, sournies & choisies par les Colonels, qui auoient assisté au conseil de la ville.

22

Là le Comte Escheuin tenant toutes les cless dudit Cymetiere, parla à aucuns desdits Capitaines, leur declara que l'intentio du Roy estoit, qu'ils se tinssent en ce lieu pour garder sa ville, contre quelques meschans ses ennemis. Qu'il fermeroit toutes les portes dudit Cymetiere, reste vn guichet, que le sieur de Beauuais Nangis leur seroit enuoyé de sa Majesté pour les conduire & commander.

Plusicurs

24

Plusieurs dirent leur aduis, ne sçachant la volonté dudit Côte, entre autres vn Capitaine dit tout haut qu'il n'estoit d'aduis de s'ensermer, & que pour le regard dudit sieur de Beauuais Nangis, qu'il ne le cognoissoit pour luy commander.

25

Sur-ce, plusieurs suyuans son aduis, firent à l'instat sortir quatre compagnies, deux desquelles se rengerent dans la ruë saince Honoré, & deux autres dans la ruë au Feurre, vers les Haless quant aux autres, elles demeurerent dans ledit Cymetiere.

26

A vne heure apres minuich le sieur Do arriua dans ladite ruë sainch Honoré, farsant la ronde, & venant du Louure accompagné de plusieurs harquebuziers, lequel voyant les dites copagnies hors ledit Cymetiere, leur demanda pour quoy suyuant ce qu'il auoit esté ordonné, ils estoient sortis dudit lieu, auquel sur respondu, qu'ils ne pouuoient, pour la seureté de leurs maisons. Dequoy estonné leur dit, qu'ils auoient bien fait, & ainsi troublé, sen alla. Ce que toutes les compagnies sirent, chacun se retirant en son quartier.

27

Il y auoit pareil nombre de compagnies de diuers quartiers louz le petit Chastelet, & sur le pont sainct Michel, lesquelles y demeurerent insqu'à trois heures apres minuict, assistees des Colonels desdits quartiers, & de Sainctyon, & Bonnet Escheuins.

Vn desdits Capitaines nommé Riolle, Cordonnier du Roy, & qui a esté autresois Huguenot, voulant entrer en garde sur le pont sainct Michel, en sur empesché par le Capitaine la Ruë, commandant sur ledit pont, qui le sit bientost retirer, luy disant qu'il estoit Huguenot, à quoy il obeyt promptement, sa compagnie ne demandant pas mieux pour le soupçon qu'ilsavoient dudit Riolle leur Capitaine, joint que de Sainctyon, l'vn desdits Escheuins, y ayda sort à faire retirer ledit Riolle, & de fait, luy enjoignit se retirer.

29

Au cas pareil y auoit plusieurs Capitaine dans la place de Greue, & le Cheualier du Guet accompagné de cinquante Archers du Guet, les quels se retirerent à mesme heure.

20

Ce qui a esté remarqué, c'est qu'ils avoiét mis les compagnies de la ruë sainct Honoré, au petit Chastellet, & pont sainct Michel, celles de la ruë saint Anthoine, dans la Greue, celles du costé de la porte du Temple, dans ledit Cimetiere des saincts Innocens, confondans ainsi les quartiers, afin qu'on ne se peust secourir l'vn l'autre.

3 I

Ceste nuict là Lugoly Escheuin demeura à l'Hostel de ville, iusqu'à trois heures du matin du Ieudy 12. de May, d'où sortant s'achemina à la ruë sainct Honoré au logis d'vn nommé Canaye, quartimier, garde des cless de la porte de

ladite ruë, auquel lieu se trouueret les conjurez, & tindrent conseil sur ce qu'ils auroient à faire.

2 2

Leur Conseil siny, sirent entrer à quatre heures du matin, par ladite porte S. Honoré, onze enseignes de Suisses, & neuf Françoises, lesquelles s'acheminerent, sans sonner tambours, ne phisres, dans ledit Cymetiere des S. Innocens.

33

Là leurs departemens estans faits, firent vn grand bruit de leurs phisres & tambours, ce qui estonna merueilleusement les habitans dudict quartier.

34

Lors lesdites compagnies s'acheminerent, à sçauoir, trois de Suisses, & deux Françoises souz la conduite du Mareschal de Biron & de Grilló, au Marché neuf, dont deux de Suisses se saissent dudit lieu, la troisses me du petit pont: Les deux Françoises, l'une, en laquelle commandoit le Gas, Gascon, souz le petit Chastelet: l'autre, en laquelle commandoit Maliuaut, du pont Saint michel.

35

Six compagnies, quatre de Suisses, & deux Françoites, conduites par le sieur Do, se laissrent de la place de Greue, assisté du Preuost des Marchans, & d'vn nommé de Versigny, son frere.

36

Le reste desdites compagnies demeura audit Cymetiere, ausquelles du costé e de la rue Saint Denis commandoit Bonouurier.

37

Il y avoit plus de quinze iours que lesdites compagnies estoient logees aux enuiros de Paris, à deux lieues pres.

38

Le regiment de Picardie, qui auoit esté mandé, ne peut arriuer, à l'occasion que ceux de Pothoise leur empescherent le passage du pont, & furent contre-mandees le jour mesmes au soir, le fait estant descouuert, comme aussi six compagnies de Gendarmes.

39

Il n'y eut ledit Ieudy que la porte saince Honoré ouverte, gardee par vne des compagnies des gardes du Roy, & pour le regard des autres portes, les cless demeurerent és mains des quartiniers, auec commandemet de la ville de ne les deliurer.

40

Grillon menaçant le Ciel & la terre, qui seul se faisoit fort de marcher sur le ventre de tous les Parisiés, se voulut saisir de la place Maubert: mais trouuant l'emboucheure de ladité place Maubert fermee à l'endroit du carresour S. Seuerin, où estoit descendu vn Capitaine de l'Vniuersiré, sut ledit Grillon contraint se retirer, & changer de chemin, qui sut la première resistance, faite par les Bourgeois.

41

Ce sur lors que l'on s'asseura que l'intention de telles garnisons n'estoit autre, sinon qu'alors les Conjurez saisans la recherche par la ville,

suyuant la liste qu'ils en auoiét escrite des principaux Bourgeois de Paris, qu'ils disoient estre de la ligue, les prendre en leurs maisons, les enuoyer en la Greue & là les faire mourir par huit bourreaux, les quels estoient ja dans l'hostel de ville. Et que si les habitans vouloient secourir les dits Bourgeois, qu'ils eussent les dites garnifons sur les bras, pour saccager toute la ville.

Mais Dieu changea bien ce conseil, comme vous entendrez.

Toutes les copagnies tant Suisses que Fraçoises, estant ainsi esparses par les grandes places & aduenues de Paris: Le peuple s'estonna fort, mesmement qu'o enuoya aus dites compagnies du vin, du pain & des pouldres, de sorte que chacun ferma sa boutique, auec vn estrage cour roux.

44

Le Roy entendant le courroux des habitans, depescha le sieur de Villequier gouverneur de Paris, pour leur donner à entendre, que ce qu'il faisoit, estoit pour leur seurcté, leur commandant qu'ils eussent à ouurir leurs maisons, ce qu'ils firent en sa presence: mais dés aussi tost qu'il estoit passé, chacun refermoit sa bourique

45

L'effroy courat de tous costez sit que la Cour de Parlement s'estona sort, & au lieu que les Presidens & aucuns Conseilliers, s'estoient dés le matin resiouis & auec vn visage riant, fait bonecontenance, comme si le dessein du pernicieux conseil eustreussi. Lors changerent de couleur & cesserent leurs charges, s'escoullant les vns apres les autres en leurs maisons, auec autant de frayeur qu'ils auoient eu d'asseurance au parauant.

Ia huict heures s'approcherent du marin, que le peuple s'amassant à son quartier par troupes, se formalisoit fort de telles garnisons, lesquelles demandoient aux semmes contre les logis desquelles ils estoient campez, si elles auoyent de gros demisaints d'argent, touchoient souz leurs robbes cherchans leurs bourses auec des folles paroles.

De sorte que chacun iugeant le danger de sa vie & de sa maison selon les propos de Grillon, lequel passant dit tout haut, que qui seroit si hardi de sortir de sa maison auec l'espee, qu'il se feroit pendre au bout d'vne picque, & qu'il metroit le seu dedans la maison pour la brusser, & les semmes & enfans, mesmement via de ce mot de cheuaucher les siles.

Les premiers qui se fascherent, ce sut en la ruë neusue nostre Dame, voyans les Suisses en reste, & s'encouragerent sur la resistance qu'ils auoyét entendu que ceux de l'vniuersité auoyent saite contre Grillon & Tinte-ville.

49
[Tous ceux dudit quartier s'assemblerent auec

armes tireret leurs chesnes aux nez desdits Suisses sans qu'ils sonnassent vn mot, se barricaderent derriere lesdites chesnes, auec des muids qu'il remplirent de paué & sable de la ruë.

50

Le quartier de la ruë de la Calandre excité de la resolution de leurs voisins, firent semblables b arricades en la presence desdits Suisses, des quels la sentinelle n'estoir qu'à dix pas desdite barricades.

51

Et ainsi consequemment tout le peuple dressafes chesnes & barricades à cinquate pas l'une de l'autre. De sorte que toutes les garnisons se trouverent en un instant enfermees & de sortes barricades gardees, de tous les habitans auec armes, & les senestres des maisons garaies de mous quetaires & harquebuziers, & les auvents abbatus.

52

La bastille estoit remplie de soldats, tant de ceux des gardes du Roy, que Grillon auoit baillé au cheualier du guet, il y auoit ja dix iours que des mortespayes ordinaires, & estoit toute cou-uerte de fauconneaux, qui slanquoient tout au long de la ruë Saint Anthoine.

53

Le mareschal de Biron sut contraint de recognoistre, parlant au Roy, que quand il auroit cinquante mille hommes, auant qu'ils seussent paruenus depuis le Louure, insques au pont au change, qu'ils seroient tous taillez en pieces, &

qu'il y auoit autant de villes à combattre, qu'il y anoit de rues à Paris. Que maintenant il cognoissoit que Paris estoit imprenable par la force, donnant malediction à ceux par le conseil desquels vne telle sedition estoit arrivee.

Or le bruit commun estoit que les Preuosts & Escheuins s'estoient faits forts, de trente mille hommes, pour assister lesdits Conjurez. Lors que les garnisons se seroient saisses des places &

aduenues de Paris. Ce que toutesfois ne peurent executer.

Toutesfois se trouverent aucuns Capitaines de la ville, fauorisant les dits Conjurez, les quels l'acheminerent aus dites places: mais les Bourgeois voyans ceste façon inaccoustumee quitterent leurs Capitaines s'en retoutnat en leurs maisons.

Les meschants se persuadoient encores, de pouuoir executer leur dessein, iusques à ce que l'estans pourmenez par la ville, tomberent en vne telle frayeur, voyant tout le peuple en armes, les garnisons serrees de si pres, chacun criat qu'on les chassast, ou bien qu'ils lesalloient desfaire, appellas trahistre ledit Preuost & deux des Escheuins, lesquels se cacherent aussi tost, & n'ont depuis paru.

Sur les neuf heures du matin dudit Ieudy vint vne alarme du costé du pont nostre Dame, laquelle

laquelle fit que chacun l'assembla en sa barricade, la moindre estant fournie de quarante harquebuziers, sans coux lésquels estoient aux portes, & les semmes aux senestres bien resoluées de se dessendre.

58

Les Suisses du marché neuf se trouveret bien estonnez de ceste alarme, mesmement que d'vne harquebuzade sut tué vn tailleur d'habits, au bout de la ruë neusue nostre Dame, de saçon qu'ils pensoient dessa estre assaillis par toutes les aduenues dudit marché,

59

Toutefois cela s'appaisa, d'autant que les Capitaines desdits Suisses vindrent aux barricades
prier le peuple qu'il eust pitié d'eux, qu'ilsestoiét
Chrestiens, & nos amis, que de Biron les auoit là
posez malgré eux, que maudite sur l'heure en laquelle ils y estoient venus: Brief, telles prieres
appaiserent le iuste courroux du peuple: mais ce
suit à condition qu'ils se retirassent au fonds dudit marché neuf, asin que leur presence ne saschast le peuple.

60

I'ay dit que le Capitaine la Ruë commandoit sur le pont saince Michel, qu'il s'estoit barricadé contre Maliuaut Capitaine des gardes, auquel il dit qu'il eust à se retirer auec les dits Suisses, ou bien qu'il le tailleroit en pieces, luy & sa compagnie.

6 I

Maliuaut se voyant assiegé par les deux bouts

du pont, ne se fit prier deux fois, ains se retira dedans ledit Marché neuf, auec lesdits Suisses.

62

Le grand & le petit Chastelet n'estoiét saisis, ny par l'vne, ny par l'autre partie, toutes sois chacun iugeant que les dits lieux estoient fort commodes pour ceux qui les tiendroient, sut aduisé de s'en emparer.

63

Le Cap.susdit de l'Yniuersité qui comandoit à la rue S. Iacques, ayant delaissé sa dixaine bien barricadee & garnie en trois endroits, à sçauoir à l'endroit de l'Eglise S. Yues, deuat l'horloge S. Benoist, & deuant les Iacobins, descendit au carresour S. Seuerin, auec vne partie de ses Bourgeois, pour se presenter à l'éboucheure du carresour S. Seuerin, d'où depédoit le passage de la place Maubert, & là estant arriué sit incontinent dresser vne barricade à six pas des ennemis, qui auoient mis vne sentinelle audit carresour S. Seuerin, qui fut chassé honteusement, & contraint se renger au corps de garde.

64

Le Mareschal d'Aumont ne sçachant ce qui estoit arriué au petit pont, se voulut sinement saisir du grand chastelet accopagné de six che-uaux, & suyuy de loing de deux cens harquebuziers, mais il sur tout estonné, voyant les aduenues barricadees, & la place prinse par les Bourgeois: Ce qui le força de se retirer, mordant ses doigts

Vous pounez iuger en quel grand trouble se trouverent les meschans, voyans que les Preuost des Marchans & deux Escheuins s'effoient cachez, que toute la ville, en quelque en droit que ce sust, estoit batricadee, que ja paroifsoient plus de cent mil hommes en armes, attendans l'heure de massacrer les garnisons, & les trahistres qui les auoient menees, que par tout on les appelloit trahistres à leur pais: Brief, suyans les mains jointes, demandoient pardon au peuple ne cherchant qu'à sauver leurs vies.

66

Il estoit ja midy que le peuple s'ennuyoit de veoir les choses aller en si grande longueur, les plus timides s'encouragerent les vns les autres: mesmes les vieillards vindrent aux barricades armez d'hallebardes, & d'espieux, reprochans aux ieunes leur trop longue attête à despescher ces estrangers.

67

Alors arriua à la barricade de la rue de la Calandre, le Mareschal d'Aumont, de Biron & Do, tous à pied: l'vn desquels, sçauoir d'Aumont, declara, que la volonte du Roy estoit de maintenir son peuple en asseurance, par le moyen de ces estrangers, que dedans une heure au plus tard le Roy en personne viendroit saire la recherche, & qu'apres les garnisons sortiroient de Paris,

68

Vn des Bourgeois pour tous sit responce, qu'ils estoient tres-assectionnez serviteurs de sa Majesté, que s'il avoit quelques ennemis qu'il eust à les ceclarer, & que lors on les luy metroir entre ses mains, & que s'il luy plaisoit on feroir la recherche en la maniere accoustumee, mesme qu'on conduiroit sa Majesté par les maisons: mais qu'on supplioit sadite Majesté faire sortir toutes les dites garnisons.

69

A quoy ledit de Biron, d'Aumont & Do refpondirent n'auoir charge d'entendre leurs remonstrances, ausquels aussi-tost sut dit par toute la compagnie qu'ils eussient donc à l'instant à se retirer, s'ils ne vouloient deuant leurs yeux les voir tailler en pieces: ce qu'ils sirent soudain, voyant tous les harquebuziers lors coucher en jouë.

70

Ce pendant vne & deux heures apres midy se passa sans voir la fin de ce malheur. En fin, tous les Bourgeois resolurent ne les laisser coucher en leurs quartiers. Alors sut aduisé en la ruë de la Calandre de laisser trente harquebuziers à la barricade du coing du marché neus, donnant aduertissemét aux autres corps de garde, qui enuironoient les Suisses de faire la charge de leur costé, lors qu'ils entendroient la batterie, tant du clocher de sainct Germain le vieil, que de toutes les maisons de ladite ruë de la Calandre, les quelles commandent sur ledit marché neus.

Pendant que ceux de la cité prennét ce coseil, les capitaines de l'Université s'assemblerent en la maison de Pigneron, notable Bourgeois de de ville les aduerrir que si on ne faisoit bien rost leuer les soldats & estrangers, qui estoient és places & lieux de ladite ville, qu'ils ne faudroiét de les combattre à quelque peril, qu'il en peust aduenir, & à ceste sin, le colonnel de ladite vniuersité aucc l'vn des Capitaines d'icelle vniuersité, sur deputez pour porter cest aduertissemét & resolution audit hostel de ville.

72

Estans partis sur les trois heures apres midy, les Capitaines se rengerent à leurs cartiers, mesmement celuy qui s'estoit rangé au carrefour Sainct Seuerin, lequel estant arriué & disposant ses Bourgeois, aduint que vn coup de harquebuse sur lasché de la part des ennemis. à l'instant duquel, ledit Capitaine accompagné de son lieutenant pensant que les ennemis les voulsissent charger, sirent incontinent tirer sur les ennemis, & donnerent l'alarme chaudement, & de telle roideur, que les ennemis surent contraint se reculer en combattans, desquels en sut tué quatre ou cinq vn de ceux qui tenoient le party de la ville.

73

Les ennemis tant soldats François, & Suisses s'estans reculez iusques soubz le petit chastellet, furent tousiours poursuiuis à coups d'arquebuses, & afin de mettre les Bourgeois en combat asseuré, ledit capitaine sit couler la barricade soubz ledit petit chastellet, où estant, entra audit petit chastelet, & se saisse de la place & y

C iij

mit garnison de vingt Bourgeois, qui estás móté au haut de la plate forme, & estans aperceus des ennemys qui estoiét au dessouz, lors ils cómencerent à trembler & crier misericorde, & se retirerent hastiuement où ils peurent, & abandonnerent la place.

Ceste charge renuersa les ennemis en la place du marchéneuf, où ils surent chargez par ceux du pont S. Michel, qui les contraignirent se rendre auec l'ayde de ceux de la cité. De sorre, que tant les soldats que Suisses, estoient en la puissance des Catholiques pour les tailler en pieces, sils eussent voulu: mais les François qui crierent misericorde, & les Suisses bonne France, retirerent le bras du peuple, par la bonté & volonté de Dieu, qu'on leur sauva la vie. & surent deualisez sur le champ, & depuis les armes rendues.

Sur ces entrefaites les Capitaines de l'vniuerfité seroient arriuez en l'hostel de la ville, sur les trois heures apres midy, qui auroient rapporté que les Bourgeois de l'vniuersité, estoient aux mains contre les forces du Roy, & que le feu s'allumoit de telle façon qu'il estoit grand temps d'y pouruoir, ce qui auroit esté rapporté par le sieur Bellanger, Conseiller en la Cour de Parlement, & l'vn des colonnels de ladite vniuersité. Au moyen dequoy luy & Sainstyon auroient esté de reches deleguez pour retourner vers sadite Majesté, ce qu'ilz auroient sait auec telle vehemence, que sadite Majesté auroit comandé au sieur mareschal d'Aumot, de saire retirer les dites sorces.

76

Le peuple ja eschaussé & animé vouloit tailler en pieces les Suisses & gardes du Roy, noobstant que ledit de Sainctyon, leur eust offert & baillé des hostages. Et à la verité sans la crain te & interuention de Monsieur de Guyse, auquel ledit de Sainctyon auroit fait humble requeste au nom de ladite ville, & du Capitaine Sainct Pol, les soldats & Suisses estoient perdus.

77

Ledit Capitaine S. Pol, & ledit de Sainctyon auroient conduit lesdites forces par la ruë S. Germain iusques au Louure, sans aucune resistance, & lors ledit de Sainctyon las & recreu, pour auoir seul trauaillé depuis sept heures du matin, iusques à sept heures du soire, sans boire ny sans manger, auec le grand peril de sa vie, pour la conservation de ses concitoyens, se se roit retiré.

78

Le lendemain sur les six heures du matin, ledit de Sainctyon, auroit esté mandé par sadite majesté, la quelle luy auroit fait de grades reproches, de ce que le peuple ne s'appaisoit nonobstant qu'elle eust fait tout ce qu'on luy auoit demandé.

79

A quoy ledit de Sain ctyon, auroit fait respoce que ce panure peuple, n'auoit iamais pensé 24

d'entreprendre aucune chose contre sadite Majesté, & n'auoit passé les bornes de la défensiue. en laquelle il estoit entré pour l'asseurance qu'il audit congnue qu'on le vouloit tuer, desquelz termes sadite Majesté se seroit offensé, disant ces mots, comment entrez en defensiue contre leur Roy? & lors ledit de Sainctyon auroit remonstré audit Seigneur en plorant, que Dieu & nature auoient donné à vn chacun tant grand que petit, vn desir de conseruer la vie, & celle des siens, & que ce pauure peuple auoit euidenment congneu, que lesdittes forces auoient esté mises & establies pour leur ruine, faute, que les choses n'auoiet esté sceues pour estre declarees & remonstrees en temps & lieu. Et que si sadite Majesté eust fair cest honneur de declarer son intention à sa ville, que lesdites forces ny eussent esté mises.

80

Sur ces propos enuiron les huict heures seroit arriuee la Royne mere du Roy, & se seroiet
leurs dites Majestez retirees au coing du cabinet
& depuis y seroient arriuez trois de Messieurs
les Presidens de la Cour. Lors le dit de Sainct yon
se seroit aduisé d'un expedient, qu'il auroit deelaré à quelques seigneurs, que pour tout appaiser, il estoit besoin que mondit seigneur de Guise montast à cheual auec les sieurs de Villequier
& de Lanssac, pour faire remonstrances au peuple, & saire oster les barricades, & que le Roy sui
uist à cheual pour aller à la Saincte Chappelle.

81

Ledit de Sainctyon s'estant retiré plein de sie-

ure, comme il estoit couché au list, auroit esté aduerty que le Roy sortoit de Paris, & sur-ce se seroit habillé pour courir insques aux Cappussins, en intention de se jetter aux pieds du Roy, & soy submettre à estre pendu & estranglé, au cas que le peuple attentast contre saditte Majesté, mais auroit trouué (à son grand regret) que le Roy auroit ja piqué, & s'estoir essoigné.

82

Depuis ce iour de Vendredy, ledit de Saincts yon, & Bonet, son compagnon se sont tousiours monstrez au peuple, & fait leur charge, iusques au iour de la nouuelle election.

83

A cest instant, & sur les quatre heures après midy dudit Ieudy, reuindrent d'Aumot & Do, vers ledit marché neuf, disans auoir charge de retirer lesdictes garnisons, moyennant qu'on leur vousist donner passage.

84

Ce que volontiers leur fut accordé, aux conditions qu'ils ne sonneroient leurs tambours, laquelle condition fut acceptee par les dites garnisons, disant tout haut, qu'on les auoit menez à la boucherie.

Lors ils s'assemblerent, & fut aduisé que la compagnie de Maliuaut marcheroit la premiere, que les Suisses suyuroient, & que la compagnie du Gas iroit en queuë.

86

Ils commencerent à marcher de ceste saçon, fortans dudit marché neuf, prenans le chemin du pont nostre Dame, chacun leur faisant passage d'une barricade seulement, les chaisnes tenduës.

Maliuaut marcha le premier & sa copagnie sans tenir ordre, voiat tant d'arquebuziers l'enuironner. Après suyuirent les Suisses mousquataires & arquebuziers, puis les picquiers armez à blanc.

Passau long de la Magdaleine sur fait cómandement par les Bourgeois ausdicts Suisses d'esteindre leurs mesches : ce que ne voulas faire, ains ayas couché en jouë, & tué deux desdits Bourgeois & vn Lieutenat blessé à la gorge, irriteret tellement le peuple, qu'on leur dona vne charge si dure & si furieuse de tous costez, qu'en vn clin d'œil, depuis la rué neus ue nostre Dame, insqu'à sainct Denis de la Chartre on veit pres de cinquante à soixante corps morts estenduz sur le carreau.

C'estoit horreur de voir les Suisses ietter les armes bas, tomber les vns sur les autres, suir de tous costez, naurez de coups de pierres que les semmes jettoient des sensstres, & leuans les mains au ciel, crioient France, France, Chresties nous Mais le bruit estoit si grand, qu'on entendoit de rous costez, tuë, tuë.

90

Le reste des Suisses qui estoient à la queuë, voyans la dessaite de leurs compagnons se retirement dans ledit marché neut, jettans les armes bas.

l'ay dit que le Capitaine Gas les deuoit suyure en queuë, mais voyant telle defaite, & quatre ou cinq des siens par terre, se retira, & se sauua en vne maison d'vn marchant, & ses soldats se sauuerent comme ils peurent auec vn grand danger.

Le bruit courut incontinent par toute la ville, qui causa vine grande frayeur aux garnisons de la Greue, & des sainces Innocens, se voias presente de toutes parts, & prests d'estre chargez.

93

Le conseil des meschans se voyant reduit à telle extremité, ne voulant pourtant laisser per-dre ceux qu'ils auoiét ainsi menez à la bouche-rie, surent forcez de s'ayder de celuy duquel ils pensoient la sournee messae boire le sang (sça-uoir du Duc de Guyse) iugeans tresbien que le peuple ne s'appaiseroit que par ce moyen.

94

Le Duc de Guise ne sessoit tout le sour bougé de sa maison, pésant à part soy quelle seroit l'issuë de ceste tragœdie: lequel comandé de par le Roy de donner ordre à ce malheur, s'achemina tout aussi tost sur les cinq heures du soir à pied, & sans estre armé, suiny de ses gens, passant de barricade en barricade, auec grad contentemét du peuple, en la place de Greue, où le jeu s'alloit commencer.

Les pauures Suisses & les compagnies Françoises le voyant, leuerent incontinent les mains en haut, l'appellans leur bienfaicteur & leur liberateur, le supplians les vouloir retirer de là, ce qui leur accorda, auec le consentement du peuple 96

Adonc le Capitaine S. Paul eust charge dudit

sieur Duc, de les conduire iusques hors la porte sainct Honoré: lesquels contre la foy par eux promise entrerent en garde dedans les jardins & basse court du Louure.

97

Fut pareillement par ledit Duc, le sieur de Plaisance au Cymetiere des S. Innocens, lequel appaisant le peuple sit sortir les Suisses & François, à mesme composition, de sortir la ville: ce qu'ils n'accoplirent, non plus que les premiers.

98

Restoit la copagnie du Gas souz le petit chaestelet, & les Suisses desarmez du marché neuf, vers les quels s'achemina ledit Duc de Guyse, sur les six heures & demie du soir: lequel passat par la ruë de la Inisuerie entendit le peuple, disant tout haut, qu'il suit le tresbien venu, qu'ils a-uoient dessaits leurs ennemis, lesquels vouloiet voller leurs maisons: qu'il en restoit encor' vn peu souz le petit chastellet, lesquels ils alloient tailler en pieces, d'autant qu'ils les auoient trop brauez le matin.

Mais ledict Duc appaisant leur iuste courroux, seur sit promettre qu'ils ne seroient nul mal audit du Gas, sequel se leua du lieu, où il estoit plus passe que la mort, auec ses soldats si esfroyez qu'ils ne pouuoient quass marcher, tant ils trembloient.

Le Cap S. Paul estant de retour eut charge de le conduire, ce qu'il sit (auec vne si bonne saço, & tenant vne houssine en main, que chaçun se print à rire) marchans en confusion, de crainte du peuple, l'enseigne roullee, le tambour sur le dos, & les mesches esteintes, en la saçon des garnisons de la Greue. 101

Eux passez, ledict Duc sur au marché neuf pour en tirer les Suisses desarmez, auquel lieu il trouua le Marcschal de Biron & le sieur de Belieure qui regardoient les dits Suisses, qui estoiet à genoux se lamentans, les quels le voyant, crierent piteusement, bon Duc de Guyse, bonne France, chrestiens.

Ledit Duc souspirant, dit au sieur de Biron, ceux qui ont allumé le seu, le denroient estein-dre. Auquel ledit de Biron respondit, mal-heur sur celuy qui en a donné le conseil, i'ay obey au Roy les conduisant en ce lieu: mais ie ne les retireray comme ie les y ay posez. Cat de si grand nombre que i'ay amené, en voila quatre cens de reste tous blessez & desarmez, & lesquels surét à l'instant conduits au Louure.

103

Voilà comment le Ieudy 12. May se passa, le peuple se tenant fort joyeux de veoir leurs places vuides desdites garnisons, & le conseil des meschans n'estre sorty son essect.

104

La nuict se passa assez paisiblement y ayant des seux par toutes les rues & à chasque senestre vne chandelle allumee, tout le peuple estant en armes & faisant bon guet, iusques à deux heures du vendredy matin, qu'il vint vne allarme de tous costez, d'autant que l'on disoit que les Suisses & François, lesquels estoient deuant le Louure auec le Regiment de Picardie, & six compagnies d'hommes d'armes, qu'on asseuroit estre à la porte sainct Honoré deuoiét charger à

D iij

Toutesfois ce bruit s'apaisa, la l'arme estat saul se en partie pour le regard du regiment de Picardie & desdites six compagnies d'homes d'armes: Mais pour le regard desdits Suisses & Fraçois on en doutoit, à cause qu'ils estoient tous en bataille pres le Lonore.

106

Le iour croissant & sur les six heures du matin, l'on rapporta de l'orloge du Palais qu'il paroissoit des troupes das le pré aux Clercs, mais c'estoit des habitans du faux bourg Sainct Germain des Prez, qui estoiés sortis en armes, pour combattre les dites troupes s'ils eussent paru.

107

Bien est il vray que le sieur de Meru & autres, auec sept vingt cheuaux vindrent sur les huit heures dudit Védredy susques à la porte sainct Honoré, mais ils furent contremadez, d'autant qu'ils estoient arriuez trop tard.

108

Sur les dix heures du marin, le Roy manda par tous les quartiers au peuple qu'on eust a s'apaiser, & qu il anoit contremandé le regiment de Picardie, & que pour le regard des compagnies estrangeres & Françoises elles sortiroiet auant midy.

A cest instant, on rapporta qu'il descendoit par eau de l'arcenal, huit pieces de canó, ce qui occasionna de dresser les chaisnes qui sont souz les ponts.

La Royne mere alla ceste matinee à la saincte Chapelle, accompagnée du sieur de Villequier

and naibu.

& dautres gentilshommes, chaeun luy faisant passage par tout, auec beaucoup de contentement, comme aussi à la Royne Regnante, lesquelles surent sort estonces de voir tant de sorces.

Sur les vnze heures dudit matin sortirent par la porte Sainct Honoré la plus grande partie desdits Suisses, dont chacun commeça à s'adoucit & on dementa rousionrs sur ses gardes, chacun craignant seur retour.

112

Les meschans voyat le peuple estre tousiours en armes, & craignans qu'on ne se saissift de leurs personnes, persuaderent au Roy tresbon de sa nature qu'on vouloit se saist de sa Majesté. Ce que le bon Prince craignant, partit du Louure sur les quatre heures apres midy, sortant par la porte neusue, alla aux Thuilleries, où s'estant botté, partit sur les six heures, accopagné d'enuiron soixante cheuaux.

113

Les trahistres qui estoient d'auec les Conjurez, partirent bien tost apres, nous rauissant nostre Prince, & le menant captis.

114

Mais Dieu luy fera la grace de congnoistre quel a esté leur conseil execrable, contre les gés de bien & quel nostre sain et deuoir, pour la coservation de sa Majesté.

115

Le Conte & Lugoly, Escheuins se sauueret par la suitte abandonnans traistreusemet leur pays 116

Le Samedy suyuant à cinq heures du soir, se rendit la Bastille à discretion, en laquelle commandoit Testu Cheualier du Guet, auec trente mousquataires & autres harquebuziers.

117

Le Dimanche d'apres, sut mené en la dite Bastille, de Perreuze Preuost des marchans, pour luy faire son proces, sur le crime de trahison contre son pais.

118: 114

Quant aux deux autres Escheuins Bonnard & Sainctyon, ont attesté le ciel & la terre, qu'ils estoient innocens de ce, dont on les chargeoit. Que leurs compagnons les auoient trahis, fai-sant leur conseil à part, sans les y appeller.

119

Deux iours apres, se rendit le Chasteau du Bois de Vinciennes à pareille composition, que la Bastille.

120

Le Mercredy suivant on desposa les Preuosts des marchans, Escheuins, & Procureur de ville, & sut procedé par tout le peuple & assemblee de ville à l'essection de ceux qui le sont maintenant.

Voylà en somme, ce qui s'est passé insques à ce iour, priant Dieu de nous vouloir assister, & nous maintenir en sa paix.



